



龍年到 Liông Nî Kàu

姚志龍 lâu Chì-liông / 風山南門教會長老


兔仔年過 龍年到
龍年帶來 好吉兆
無 koh 大水 流過溝
大家食 kah 老老老

核災 水災 滾蛟龍 (註2)
兔仔 攏 kā in choā 走
無 koh 目屎 無 koh 哭
因為龍年 已經到

團圓桌 真腥臊 (註1)
二九暝 食飽後
好運 tòè 佇兔仔後
龍年已經 佇門口

龍年到 福氣到
福氣進入 咱埕斗 (註3)
阿公阿媽 提紅包
予恁大漢 koh 真 gâu

守夜後 龍年 teh 聽候
新年到 龍年到
龍年來 會消災
歡喜做伙 來放炮

龍年興旺 好兆頭
風調雨順 財滿斗
闔家平安 上重要
財子壽 齊入咱兜 

1. 腥臊：chheⁿ-chhau，大魚、大肉、好菜、好料。
2. 滾蛟龍：Kún-kau-lêng，chu-ná-mih 海嘯。
3. 埕斗：m̄ng-kháu-tiáⁿ，門口埕。